



TOMÁS J. ARAGÓN, M.D., Dr.P.H.

Tus Coj & Tus Neeg Tuav Lub Xeev Lub Chaw Tuav Dej Num Saib Xyuas Pej Xeem Txoj Kev Noj Qab Nyob Zoo

Xeev California—Lub Chaw Tuav Dejnum Saib Xyuas
Kev Noj Qab Nyob Zoo thiab Kev Pab Pejxeem
California Lub Chaw Tuav Dejnum
Saibxyuas Pejxeem Txoj Kev Noj Qab Nyob Zoo



GAVIN NEWSOM

Tswvxeev

Lub Kaum Hli, Tim 3, 2023

HAWM TXOG:

Chaw Muab Tshuaj thiab Cov Neeg Ua Hauj Lwm Hauv Chaw Muab Tshuaj

HAIS TXOG DAB TSI:

Lus Qhia Rau Cov Chaw Muab Tshuaj Los Mus Ua Kom Tsis Txhob Muaj Kev Ncua Nyob Hauv Txoj Kev Kho Kab Mob COVID-19

Cov lus kho dua tshiab thaum Lub Kaum Hli, Tim 3, 2023:

- Cov lus kho dua tshiab rau ntawm cov ntaub ntawv thiab cov kev pab thaum muaj neeg kis tau tus kab mob coob.

Lagevrio (molnupiravir) thiab Paxlovid (nirmatrelvir/ritonavir) yog cov tshuaj tua kab virus noj ntawm ncauj uas yeej tiv thaiv tau cov neeg kis tau kab mob COVID-19 uas ntxim yuav mob hnyav kom lawv tsis txhob tau mus pw hauv tsev kho mob los sis tsis txhob tuag. Nws yeej muaj ntau yam los ua kom muab tau cov tshuaj no rau cov neeg noj raws sij hawm, suav nrog rau kev muaj tshuaj thiab kev muaj chaw muab tshuaj txaus, kev muaj cov kws kho mob los sis chaw kho mob thiab cov pej xeem uas kam siv cov tshuaj, thiab tus neeg mob yeej muaj kev mus kuaj, muaj kev mus muab ntawv siv tshuaj, thiab muaj kev mus nqa tau tshuaj nyob ntawm cov chaw uas muaj cov tshuaj no.

California Lub Chaw Tuav Dej Num Saib Xyuas Pej Xeem Txoj Kev Noj Qab Nyob Zoo (California Department of Public Health (CDPH)) tau hnov hais tias nws yeej muaj ib cov kws muab tshuaj uas tsis kam muab cov tshuaj kho kab mob COVID-19 uas noj ntawm ncauj rau neeg siv vim lawv nkag siab yuam kev lawm los sis vim lawv tsis paub zoo txaus. Tsab ntawv ntawm no yeej npaj muaj ib cov lus pom zoo los qhia meej hais tias saib cov lus los sis ntaub ntawv twg yog cov uas yuav tsum tau muaj los muab cov tshuaj ntawm no rau neeg siv. Cov lus ntawm no yeej yog ib cov uas npaj coj los pab cov chaw muab tshuaj uas yog cov chaw muab cov tshuaj tseem ceeb ntawm no rau neeg siv. Yog xav paub ntxiv txog cov kev kho kab mob COVID-19 thiab California cov kev sib zog los ua kom



muaj kev rau neeg mus siv tau, thov mus xyuas ntawm Ntaub Ntawv Qhia Txog Kev Kho Kab Mob COVID-19 Rau Cov Chaw Kho Mob.

Txhua zaub, cov kws muab tshuaj yuav tsum tau muab qhov hais tias puas tsim nyog siv cov tshuaj los sis qhov hais tias yuav siv ntau npaum li cas koj los xav nrog cov teeb meem uas muab tau lig los sis tsis kam muab rau tus neeg siv koj los tiv thaiv kom tsis txhob muaj mob loj los ntawm kab mob COVID-19, uas twb ua rau muaj txog [100,000 tus neeg tag sim neej nyob hauv California txij li thaum pib los txog rau thaum Lub Cuaj Hli, Tim 29, 2023](#). Peb los kuj tseem pom muaj pov thawj thaum ntxov thiab ntau ntxiv hais tias cov tshuaj kho kab mob COVID-19 yeej txo tau txoj kev uas ib tus neeg ntxim yuav muaj cov tsos mob ntawm kab mob COVID ntev ntev mus.

Vim peb yeej tseem ntxim pom muaj neeg coob kis tau kab mob COVID-19, cov kws muab tshuaj yuav tsum tau muaj cov lus qhia txog kev muab cov tshuaj no rau neeg siv sub lawv thiab li yuav muab tau cov tshuaj kho kab mob COVID-19 uas yeej tiv thaiv tau zoo rau neeg siv kom raws li qhov tsim nyog siv thiab raws sij hawm. Cov chaw muab tshuaj thiab cov kws muab tshuaj yuav tsum paub hais tias nws muaj ntau ntau yam los ua kom lawv pom neeg coob muaj ntawv mus thov cov tshuaj kho kab mob COVID-19, suav nrog rau:

- Txhua Tsab Ntawv rau cov neeg nyob ntawm ib Lub Tsev Muaj Kws Tu Neeg Mob Los Pab Cov Tib Neeg (SNF) [AFL 23-29](#) uas muaj lus qhia thiab muaj kev pab rau kev soj ntsuam, kev muab tshuaj, thiab kev mus nqa tshuaj kho kab mob COVID-19 rau cov tib neeg nyob ntawm lub tsev SNF siv. [AFL 23-29](#) yog qhov yuav muab koj pauv AFL 22-20.
- Neeg yeej mus saib tau tag nrho lwm cov ntawv AFLS suav nrog rau cov muaj kev cuam tshuam rau kev kho kab mob COVID-19 nyob ntawm [All Facilities – Library](#). Neeg yeej mus nrhiav tau CDPH cov lus pab tswv yim hais txog kab mob COVID-19, nyob ntawm phab ntawv rau [lus pab tswv yim hais txog kev noj qab nyob zoo](#).
- CDPH yeej muaj ib cov lus tshaj tawm hauv TV, hauv xov tooj cua, thiab hauv social media mus ntxiv los mus hais kom neeg siv cov tshuaj kho kab mob COVID-19 uas noj ntawm ncauj. Mus nrhiav cov lus uas koj yuav muab qhia tau ntxiv mus nyob ntawm CDPH [Phab Ntawv Vas Sab Rau Kev Kho Kab Mob COVID-19](#).
 - Tom qab Lub Kaum Ib Hlis, Tim 11, 2023, cov kev faj seeb rau kev kho mob feem ntau yeej [them](#) tus nqi ntawm kev kho kab mob COVID-19. Cov tib neeg uas lawv tsis muaj kev faj seeb rau kev kho mob yuav tsum mus siv qhov txuj ci nrhiav chaw kho [COVID-19 Test-to-Treat-Locator](#).

Txawm hais tias cov tshuaj kho yeej yog ib yam tseem ceeb hauv txoj kev tawm tsam kab mob COVID-19 los, cov tshuaj tiv thaiv yeej yog ib yam tseem ceeb nyob hauv txoj kev tiv thaiv ntawm txoj kev sib kis thiab qhov teeb meem ntawm kab mob COVID-19. Peb pom zoo kom txhua tus neeg mus txhaj cov tshuaj tiv thaiv kab mob COVID-19 raws li [ghov yuav kom txhaj](#), uas yuav muaj kev tiv thaiv ntau ntxiv kom tsis txhob mob kab mob COVID-19 hnyav. Mus kawm kom paub ntxiv txog cov tshuaj tiv thaiv nyob ntawm [CDPH Lub Vas Sab Rau Tshuaj Tiv Thaiv Kab Mob](#).

Cov lus nyob nram qab no yog cov uas peb npaj koj los qhia cov chaw muab tshuaj thiab cov neeg ua hauj lwm hauv chaw muab tshuaj kom lawv paub meej hais tias lawv yuav ua li cas nws thiab li yuav tsis muaj kev ncuu hauv txoj kev muab cov tshuaj kho kab mob COVID-19 rau neeg siv:

Cov chaw muab tshuaj thiab cov neeg ua hauj lwm hauv chaw muab tshuaj yuav tsum tau paub hais tias cov neeg mob uas muaj kev faj seeb rau kev kho mob yeej muaj cai tau cov khoom kuaj kab mob COVID-19 dawb thiab/los sis muaj cai mus hais kom qhov kev faj seeb ntxiv cov nyiaj yuav khoom kuaj rov qab rau lawv, txawm hais tias lub Xeev thiab Tsoom Fwv Qhov Kev Muaj Xwm Ceev twb xaus lawm.

- Xyuas kom meej hais tias txhua tus neeg ua hauj lwm hauv lub chaw muab tshuaj yeej paub txog qhov uas cov neeg mob yeej muaj cai tau cov khoom kuaj kab mob COVID-19:
 - Cov kws muab tshuaj yuav tsum yuav thiab/los sis muab cov khoom kuaj rau cov neeg siv Medi-Cal nyob ntawm lub chaw muab tshuaj raws nraim li nram qab no: [CDPH Cov Kev Pauv Hauv Lawv Txoj Kev Them Cov Nqi Kho Kab Mob COVID-19](#) (PDF).
 - Tom qab Lub Kaum Ib Hlis, Tim 11, 2023, cov kev faj seeb rau kev kho mob yeej yuav [them](#) tus nqi ntawm cov khoom kuaj kab mob COVID-19. Yog koj tsis muaj ib qhov khoom kuaj hauv tsev, koj yeej mus nrhiav tau cov chaw kuaj nyob ntawm [Find a testing site \(ca.gov\)](#) los sis [No-Cost COVID-19 Testing \(cdc.gov\)](#). Mus nyeem [DMHC Phab Ntawv Qhia Txog Cov Cai Koj Muaj Hais Txog Kev Kho Mob](#) (PDF) yog xav paub ntxiv txog cov kev faj seeb rau kev kho mob uas muaj muag.
- Mus saib hauv phab ntawv vas sab ntawm no uas peb muaj rau cov neeg siv [Medicare](#) thiab mus saib ntawm lub rooj teev lus rau [Cov Kev Pauv Nyob Hauv Kev Them Nqi Kho Kab Mob COVID-19](#) (PDF) yog xav paub cov ntsiab lus tseem ceeb ntawm kev them cov kev nqi kho kab mob COVID-19 tom qab Lub Sij Hawm Muaj Xwm Ceev Rau Pej Xeev Txoj Kev Noj Qab Nyob Zoo xaus.
- Rau cov kev faj seeb rau kev kho mob uas pub cov neeg mob mus nqa cov khoom kuaj dawb nyob ntawm cov chaw muab tshuaj uas muaj ntawv cog lus nrog qhev kev faj seeb, suav nrog rau Medi-Cal, cov kws muab tshuaj yuav tsum tau sau ib tsab ntawv yuav khoom kuaj kab COVID-19 thiab muab xa ua nqi yuav tshuaj mus rau qhov kev faj seeb them.
- Yog cov khoom kuaj yeej tsis yog cov khoom uas qhov kev faj seeb yuav them nyob ntawm lub chaw muab tshuaj, cov neeg mob yeej siv tau nyiaj koj los them thiab mam li muab qhov nqi ntawd xa ncaj qha mus hais kom lawv qhov kev faj seeb ntxiv nyiaj rov qab rau lawv.

Qhov hais tias yuav mus nqa tau pes tsawg qhov khoom kuaj dawb yuav muaj ntxawv nyob ntawm ib qhov kev faj seeb mus rau ib qhov. Cov neeg uas tsis muaj kev faj seeb rau kev kho mob yeej mus nrhiav tau lus qhia ntxiv txog kev kuaj nyob ntawm: [CDC Pab Ntawv Nrhiav Cov Chaw Kuaj Kab Mob COVID-19 Dawb](#).

Cov tsev muab tshuaj yuav tsum npaj kom muaj cov tshuaj kho kab mob COVID-19 uas yog cov noj ntawm ncauj txaus thaum yog lub caij uas yuav muaj neeg coob kis tau tus kab mob.

CDPH yeej tau paub hais tias muaj ntau lub tsev muab tshuaj uas lawv yeej hais rau cov neeg mob hais tias lawv tsis muaj cov tshuaj kho kab mob COVID-19 uas yog cov noj ntawm ncauj thiab lawv yeej tsis tau yuav koj los npaj tseg ntxiv li. Qhov no yeej ua rau cov pej xeev mus nqa tsis tau cov tshuaj kho ntawm no koj los siv sai.

- Peb los yeej pom zoo kom cov tsev muab tshuaj uas lawv yeej tsis tau muab cov tshuaj kho kab mob COVID-19 uas yog cov noj ntawm ncauj rau neeg siv yav tag los los mus npaj kom muaj nyob rau lub caij uas neeg yuav kis tau tus kab mob coob. Neeg yeej mus saib tau cov caij uas neeg yuav kis tau kab mob COVID-19 coob nyob ntawm phab ntawv vas sab [CDPH COVID-19 Tracking webpage](#).
- Peb yeej muaj cov tshuaj ntawm no txaus rau cov tsev muab tshuaj nyob ntawm qhov kev pab cuam [Federal Retail Pharmacy Therapeutics Program](#).

- Cov tsev muab tshuaj uas tau cov tshuaj ntawm no los ntawm lub chaw saib xyuas pej xeeb txoj kev noj qab nyob zoo nyob hauv lawv lub ntawm (LHD) yuav tsum mus thov cov tshuaj ntawm no mus ntiv nyob ntawm cov chaw no. Lub chaw LHD yeej pub cov tsev muab tshuaj mus thov tau ntau tshaj qhov ib txwm thov yog hais tias lawv ua tau.
- Cov tsev muab tshuaj yuav tsum tau saib xyuas saib lub sijhawm uas tseem yuav siv tau cov tshuaj yog tag rau thaum twg kom lawv paub hais tias saib lawv tshuaj tshuaj ntau npaum li cas thiab kom lawv tsis txhob muab cov tshuaj uas tsis tau tag sijhawm pov tseg. HHS/ASPR yeej ntiv sijhawm rau cov tshuaj tsis tseg. Peb yeej muaj ib phab ntawv teev HHS/ASPR cov lus kho dua tshiab hais txog kev ntiv sijhawm rau cov tshuaj ntawm no nyob ntawm phab no:
 - [Lub Sijhawm Uas Muab Ntiv Rau Txoj Kev Soj Ntsuam Ib Cov Tshuaj Paxlovid | HHS/ASPR](#)
 - [Lub Sijhawm Uas Muab Ntiv Rau Txij Kev Tseem Yuav Siv Tau Ib Qhov Tshuaj Lagevrio](#)
- Peb yeej pom zoo kom tsev muab tshuaj uas lawv tsis muaj cov tshuaj kho kab mob COVID-19 lawm mus siv qhov txuj ci [COVID-19 Therapeutics Locator \(arcgis.com\)](#) coj los pab tus neeg mob nrhiav cov tshuaj kho kab mob COVID-19.

Nws yeej muaj ntau ntau txoj kev uas yuav muab siv tau coj los kuaj ib tus neeg saib nws puas tsim nyog siv cov tshuaj kho kab mob COVID-19.

Cov kws muab tshuaj yeej muab tau cov tshuaj kho kab mob COVID-19 rau cov neeg uas muaj tej yam mob. Lus Qhia Ntiv: Tam sim no, FDA twb muab lus pom zoo rau cov neeg laus los mus siv yam tshuaj Paxlovid lawm tiam sis lawv tsuas pub cov neeg muaj hnub nyoog 12 xyoos mus txog 17 xyoo siv yam tshuaj no nyob rau lub sijhawm EUA (sijhawm muaj xwm ceev) xwb.

- Lub chaw [State Board of Pharmacy](#) yeej xav kom cov tib neeg uas xav paub ntiv los mus muab tsab cai [Public Readiness and Emergency Preparedness \(PREP\) Act](#) coj los nrog ib tus kws lij choj sib tham, yog yuav tsum tau tham, los mus txiav txim txog txoj kev uas cov kws muab tshuaj yuav txiav txim tau lawv tus kheej los mus pib thiab muab yam tshuaj Paxlovid rau cov neeg mob siv.
- Cov neeg mob yeej hu tau xov tooj mus rau Lub Xeev Tus Xov Tooj Rau Kab Mob COVID-19 ntawm 1-833-422-4255 los sis nkag mus saib hauv [lub vas sab \(website\) rau kev kho](#) yog lawv xav paub ntiv hais txog kev mus siv tau ib yam tshuaj kho thiab ib qhov kev kho. Tus xov tooj thiab lub vas sab (website) ntawm no los kuj tseem pab cov neeg mob mus ntsib tau kws kho mob nyob saum huab cua (telehealth) dawb uas nws yuav muab tau ntawv mus nqa cov tshuaj kho kab mob COVID-19 yog thaum twg tsim nyog muab.
- Cov neeg ua hauj lwm hauv chaw muab tshuaj los kuj tseem yuav mus nrhiav tau cov lus qhia ntiv hais txog kev mus siv tau ib yam tshuaj kho thiab ib qhov kev kho nyob ntawm [COVID19.ca.gov](#).
- Yog ib lub chaw muab tshuaj yeej muaj ib cov kev rau neeg mus siv tau ib yam tshuaj kho los sis ib qhov kev kho, cov chaw muab tshuaj ntawd kuj yuav tsum tau muab cov kev mus siv tau ntawd coj los qhia rau cov neeg mob.

Cov chaw muab tshuaj yuav tsum tau txais txhua daim ntawv muab tshuaj uas tseem siv tau; cov ntawv muab tshuaj yeej tsis tag yuav tsum yog ib cov uas muab xa hauv khoom hluav taws xob.

- Tsab cai California Business and Professions Code (BPC) tshooj 688(i) yeej hais tias cov kws muab tshuaj yeej tsis tag yuav nug kom paub mee hais tias ib daim ntawv muab tshuaj sau ua ntaub ntawv, hais ntawm ncauj, los sis xa hauv fax yeej yog ib daim uas siv tau yog hais tias

daim ntawv muab tshuaj ntawd yeej yog ib daim uas muaj raws li cov kev zam nyob hauv tsab cai rau cov ntawv muab tshuaj xa hauv khoom hluav taws xob.

- Tsab cai BPC tshooj 688 (i) los kuj tseem hais tias cov kws muab tshuaj yeej muab tau tshuaj ntxiv mus raws li ib daim ntawv muab tshuaj uas muab sau ua ntaub ntawv, hais ntawm ncauj, los sis xa hauv fax yog hais tias daim ntawv muab tshuaj yeej muaj txhua yam raws li txoj cai. Thaum yuav txiav ntxim hais tias saib puas yuav muab tshuaj rau ib tus neeg siv vim daim ntawv muab tshuaj yeej yog ib daim siv tau uas muab sau ua ntaub ntawv, hais ntawm ncauj, los sis muab xa hauv fax tuaj xwb, tus kws muab tshuaj yuav tsum tau xav saib qhov teeb meem thiab qhov kev kho kom tsis txhob muaj kev tu ncuu uas tus neeg yuav muaj.
- Qhov ntawm no los yeej yog ib qhov uas peb teb nyob rau hauv Nqis Lus Nug 3 ntawm BPC's (California Board of Pharmacy) [Electronic Data Transmission Prescriptions \(Cov Kev Xa Ntawv Muab Tshuaj Hauv Khoom Hluav Taws Xob\) – Frequently Asked Questions \(Cov Lus Nug Uas Neeg Pheej Nquag Muaj\)](#).

Cov chaw muab tshuaj yuav tsum txais cov neeg mob uas tsis muaj kev faj seeb rau kev kho mob thiab yuav tsum tsis txhob hais kom lawv them tus nqi ntawm cov tshuaj noj kho kab mob COVID-19.

- Cov koom haum yuav tsum tsis txhob muab cov tshuaj kho kab mob COVID-19 uas tsoom fww muab dawb rau lawv coj mus muag los sis tsis txhob hais kom tus neeg mob los sis tus neeg mob qhov kev faj seeb rau kev kho mob ntxiv nyiaj rov qab rau lawv.
- Peb yeej xav kom cov neeg mob uas tsis muaj kev faj seeb rau kev kho mob los mus nyeem [Phab Ntawv Teev Cov Lus Qhia Qhov Tseem ntawm no: HHS Announces 'HHS Bridge Access Program for COVID-19 Vaccines and Treatments' to Maintain Access to COVID-19 Care for the Uninsured \(HHS Tshaj Tawm 'HHS Qhov Kev Pab Cuam Bridge Access Program Rau Tshuaj Tiv Thaiv thiab Kev Kho Kab Mob COVID-19' Los Mus Ua Kom Cov Neeg Tsis Muaj Kev Faj Seeb Rau Kev Kho Mob Muaj Kev Mus Siv Tau Kev Kho Kab Mob COVID-19\)](#) yog xav paub cov lus qhia txog kev nrhiav kev them nqi kho mob coj los ua ib txoj kev mus txhaj tshuaj tiv thaiv thiab mus siv kev kho.
- Yog xav paub txog kev mus siv tau ib qhov kev kuaj los sis cov kev kho dawb uas muaj rau cov neeg tsis muaj kev faj seeb rau kev kho mob siv, hu xov tooj mus rau Lub Xeev Tus Xov Tooj Rau Kab Mob COVID-19 ntawm 1-833-422-4255 los sis nkag mus saib hauv [lub vas sab \(website\) rau kev kho](#).

Cov kws muab tshuaj yuav TSUM TAU txais cov ntawv muab tshuaj kho kab mob COVID-19, txawm hais tias tus neeg yeej tsis muaj ib cov kev kuaj uas qhia hais tias nws lub raum thiab lub siab yeej ua hauj lwm.

- Yam tshuaj [Paxlovid EUA](#) qhia hais tias yog thaum twg tus kws muab tshuaj yeej yog tus neeg uas sau daim ntawv muab tshuaj, tus neeg mob thiaj li yuav tsum tau muaj cov kev kuaj ntawm no xwb. Feem ntau, tus neeg mob yeej tsis tag yuav muaj cov kev kuaj ntawm no li yog hais tias tus kws muab tshuaj tsis yog tus neeg uas sau daim ntawv muab tshuaj.
- [Raws li ASPR-HHS](#) "Ib tus neeg mob puas yuav tsum tau muaj ib cov kev kuaj ua ntej yuav muab yam tshuaj Paxlovid rau nws siv? - Cov kws kho mob uas muaj ntawv tso cai thiab cov kws kho mob uas muaj kev kawm ntxiv yeej tsis tag yuav muaj ib qhov kev kuaj thaum lawv yuav muab ib daim ntawv rau ib tus neeg mus siv yam tshuaj Paxlovid. Cov kws kho mob yuav tsum tau txiav txim raws li qhov lawv paub hais tias saib ib tus neeg mob puas yuav tsum tau muaj ib qhov kev kuaj." Feem ntau neeg yeej tsis tag yuav muab ib qhov kev kuaj uas yuav tau muab cov qaub ncaug los sis quav ntswg xa mus rau ib lub chaw kuaj kab mob los mus kuaj li.
- Nyob hauv txoj kev los qhia ib cov kev hnyav siab kom mee rau tus kws kho mob thiab/los sis tus neeg mob, cov kws muab tshuaj yuav tsum tau ua raws li qhov lawv xav los sis qhov lawv

paub thiab yuav tsum tau muab qhov teeb meem uas tus neeg mob yuav muaj yog lawv muab txoj kev kho kab mob COVID-19 ncu. Tus neeg yuav tsum tau pib siv cov tshuaj kho tsis txhob pub lig tshaj 5 hnuv tom qab hnuv nws pib muaj cov tsos mob.

Cov kws muab tshuaj yuav [TSUM TAU](#) txais cov ntawv muab tshuaj kho kab mob COVID-19, txawm hais tias daim ntawv muab tshuaj yeej tsis muaj hnuv uas kuaj pom hais tias tus neeg "kis tau tus kab mob" los sis hnuv uas tus neeg "pib muaj cov tsos mob" sau rau hauv.

Cov hnuv ntawm no yeej tsis yog ib cov uas peb yuav tsum kom muaj nyob hauv daim ntawv muab tshuaj thiab cov neeg mob yeej qhia tau lawv tus kheej hais tias saib lawv pib muaj cov tsos mob thaum twg los lawm.

- FDA tau muab nws cov lus tso cai kom muab yam tshuaj [Paxlovid](#) thiab [Lagevrio](#) coj los siv rau thaum muaj xwm ceev coj los kho dua tshiab rau thaum Lub Ob Hlis, Tim 1, 2023, hais tias tus neeg yeej tsis tag yuav tsum tau muaj ib cov kev kuaj uas qhia hais tias nws yeej muaj tus kab virus SARS-CoV-2 ua ntej ib tus kws kho mob yuav muab tau cov tshuaj no rau nws siv. Yeej tsis tag yuav muaj kev kuaj ntxiv li.
- Thaum Lub Tsib Hlis, Tim 25, 2023, FDA tau muab lus pom zoo rau cov kws kho mob siv yam tshuaj Paxlovid coj los kho cov neeg laus uas lawv muaj kab mob COVID-19 thiab lawv ntxim yuav mob kab mob COVID-19 hnyav, suav nrog kev mus pw hauv tsev kho mob los sis tuag. Nws yeej tsis muaj lus hais tias yuav tsum yog thaum muaj ib qhov kev kuaj uas qhia hais tias tus neeg muaj tus kab mob li.

Cov kws muab tshuaj yuav tsum tau txais cov ntawv muab tshuaj kho kab mob COVID-19, txawm hais tias tus neeg tsuas muaj ib cov tsos mob uas yeej tsis mob hnyav.

- Qhov tseeb, cov neeg mob uas tsis muaj mob hnyav yeej yog cov neeg mob uas tsis mus pw kho nyob hauv tsev kho mob raws li FDA EUA thiab [National Institutes of Health cov lus pom zoo](#).

Cov lus los sis cov ntaub ntawv ntawm no yog ib cov lus uas yuav tsum muab qhia rau cov neeg ua hauj lwm hauv lub khw los sis lub tsev muag tshuaj sub lawv thiaj li yuav qhia tau yog thiab pab tau cov neeg mob kom zoo npaum li qhov lawv yuav pab tau.

Lub Xeev Tus Xov Tooj Rau Kab Mob COVID-19 (1-833-422-4255) los kuj yog ib tus xov tooj uas yuav tsum tau muab qhia rau txhua tus neeg ua hauj lwm paub vim hais tias cov neeg txais tus xov tooj no yeej muaj sijhawm los mus teb txhua nqis lus nug uas neeg muaj hais txog kab mob COVID-19. Neeg los yeej mus nrhiav tau lus los sis ntaub ntawv qhia ntxiv nyob ntawm [phab ntawv vas sab rau Kev Kho Kab Mob COVID-19](#).

Cov neeg ua hauj lwm hauv chaw kho mob thiab cov kws kho mob yeej mus nrhiav tau lus los sis ntaub ntawv qhia ntxiv nyob ntawm [Phab Ntawv Qhia Txog Kev Kho Kab Mob COVID-19 Rau Cov Kws Kho Mob](#).

[*Kev Suav Cov Neeg Kis Tau Kab Mob COVID-19 Nyob Hauv California - Kev Tiv Thaiv Kab Mob COVID-19 Thaum Muaj Neeg Coob Kis Tau Tus Kab Mob](#)